

# PM VISHWAKARMA

KA SKIM KA SORKAR PDENG BAN AI JINGKYRSHAN IA KI BA TREI IA KI KAM TYNRAI BAD KIBA SHNA IA KI TIAR NE TREI DA LA KI KTI HA NONGKYNDONG NE HA SOR JONG KA RI INDIA.

(Ka Scheme hapoh ka Ministry of Micro, Small & Medium Enterprises (MoMSME), Govt. of India)

## A. Ki mat ba kongsan jong kane ka Skim:

### i. Jingithuh:

Ka jingithuh kum u/ka Vishwakarma lyngba ka syrnod bad ka ID card.

### ii. Jingpyntbit:

- Jingpynshisha ia ka sap/jingtbit ba la don lupa, nangta pynbud sa ka jingai jinghikai ia ka sap tynrai kaba 5 haduh 7 sngi (40 kynta).
- Kino kino kiba kwah ki lah ruh ban pynrung kyrteng ialade na ka bynta 15 sngi (120 kynta) ia ka jingai jinghikai kaba kham bniah shuh shuh.
- Phin ioh ruh ia ka stipend kaba long 500 tyngka shi sngi ha ka por training.

iii. **Ka jingiarap na ka bynta ka jingthied tiar:** Ka jingiarap ha ka rukom ka grant kaba 15 hajar tyngka na ka bynta ban thied ia ki tiar ban pyndonkam ban trei.

### iv. Ka jingkyrshan lyngba ka ram:

- Ka ram byn donkam ban buh bynda (Collateral Free Enterprise Development):** Kaba 1 lak tyngka (Kane ka bhah kaba nyngkong yn shah ban siew haduh 18 bnai) bad kaba 2 lak tyngka (Ka bhah baa r pat yn ailad ban siew hapoh 30 bnai).
- Ka sut ha ka dor kaba rit:** Ki nongioh jingmyntoi na kane ka ram kin hap ban siew ia ka sut kaba long 5% na ka 100 bad 8% na ka 100 pat yn siew da ka MoMSME.
- Ia ka bai bynda jong ka ram (Credit Guarantee Fees) yn bei da ka sorkar Kmie.

v. **Ka jingiarap na ka bynta ka jingiadie iathied lyngba ka kor internet:** Shi tyngka ka jingiarap ha man kawei pa kawei ka jingiadie iathied bad haduh 100 tylli ki jingiadie iathied (man u bnai).

### vi. Ka jingiarap na ka bynta ban pyniaid iew ia ki mar:

Ka National Committee for Marketing (NCM) kan ai jingshakri kum ka jingai syrnod na ka bynta ka jinglong jong ki mar ba pynmihban kyntiew ia ka rukom pyniaid iew ia ki mar, ban pyniasoh bad ban die lyngba ki kor internet, ka jingpynbna ha ki iew iadie ia thied, ka jingpynbna paidbah bad ha kiwei kiwei ki rukom ban pyniaid iew ia ki mar.

## B. 18 tylli ki jait Kam tynrai ki ban kynthup ha kane ka wat ba nyngkong:

- Misteri dieng (Misteri furniture ba pyndonkam tang da ki tiar kti kum kurat, tyrnem, paintali etc., bad ym dei ki tiar trei ba pyndonkam da ka bor elektrik)
- Nongshna lieng. (lieng kynda, etc.,)
- Nongshna ia ki tiar iada.(kham, ryntieh, waitlam, ki sum, etc.,)
- Nongshoh nar.
- Nongshna tyrnem bad kiwei kiwei ki tiar nar ban pyndonkam.
- Nongshna tala.
- Nongohdur bad pynwandur ia ki maw/ Nongshoh maw
- Nongshna ksair
- Nongshna khiew khyndew bad kiwei kiwei ki tiar ba pyndonkam da ka dew byrtha.
- Nongsuh juti, slipar, sandal bad kiwei pat ki jait phong kjat.
- Misteri iing.
- Nongthaiñ shang, kriaah, shylliah bad nongteh bad shna synsar.
- Nongshna tiar jingialehka ne khun mynriew ba tynrai.
- Nongkhap shniuh.
- Nongshna ia ki jingdeng syntiew.
- Nongsait jain kiba pyndonkam ia ki sabon, etc., bad sa isteri ia ki jain da lah dep pynryngkhiang da ka isteri ba pyndonkam da u rnga.
- Nongsuh jain
- Nongthaiñ jar tong dohkha.

## C. Ki Kyndon ban apply ia kane ka skim:

- Ki nongaplai ki dei ban don ia ka Adhaar Card.
- Kiba kwah ban aplai ki dei ban long ki ba trei ia kawei napdeng ki jait kam ba lah kdew haneng.
- Ki nongioh jingmyntoi ki dei long 18 snem ha ka por ba ki pynrung kyrteng ia lade.
- Ki nongioh jingmyntoi kin dei ban long kiba lah trei lypa ha iwei na ki kam kiba lah kdew haneng ha ka por ba ki pynrung kyrteng ia lade bad kiba khlem pat ioh jongiarap na kiwei pat ki scheme ai ram jong ka sorkar pdeng ne na ka sorkar jylla.
- Ia ka jingmyntoi na kane ka skim kiba lah ban register ne apply kin long tang u/ka iwei na ka shi ing.
- Ki briew kiba trei kam sorkar ne ki longiing kiba don ki nongtrei sorkar na iing kin nym lah ban apply ia kane ka skhim.

## D. Ka rukom ban aplai ia ka skim:

Ia kana ka skim hap ban register shuwa lyngba ki Common Service Centre (CSC) kiba don ha baroh ka jylla.

Ia ka jingtip kaba kham bniah:

- Phi lah ban plie ia ka website [www.pmvishwakarma.gov.in](http://www.pmvishwakarma.gov.in)
- Ophis jong ka Micro, Small & Medium Enterprises Development & Facilitation Office, (a) Opposite B.K. Bakoria School, Shillong (b) Tura, Dakopgre.
- Ophis jong ka Directorate of Commerce & Industries, Meghalaya, Lower Nongrim Hills, Opp M.E.S., Shillong.
- Ophis jong ka District Commerce & Industries Centre (DCIC) ha baroh ki distrik jong ka jylla.

Sd/  
Director of Commerce & Industries  
Meghalaya Shillong

